



Inatsisartunut ilaasortat
Finn Karlsen, Siverth K. Heilmann aamma
Knud Kristiansen
Atassut

**§36 aallaavigalugu apeqqummut nr. 2010-13 Paamiuni imarsiornermik ilinniarfiup
aqumiunngornianut immikkoortortaa pillugu akissut**

26. januar 2010
Sagsnr. 2010-024961
Dok. Nr. 298068

Asasakka Finn Karlsen, Siverth K. Heilmann aamma Knud Kristiansen,

Naalakkersuisut Paamiuni Naalaganggorniat Ilinniarfiata atorunnaarsinneqarnissaa pillugu apeqquteqaatissinnut qujapput.

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiiin@gh.gl
www.nanoq.gl

Matumuuna Naalakkersuisut sinnerlugit apeqquteqaatigisarsi ataani issuarneqartoq akissuteqaateqarfigissavara:

ATASSUT-mit uissuummissutigeqisatsinnik paasivarput Paamiuni imarsiornermik ilinniarfiup aqumiunngornianut immikkoortortaa matuneqarsimasoq, naak massa Inatsisartut ataatsimoortut matuneqarnissaa akerlerigaat, tamanna Naalakkersuisut qanoq nassuiaatissaqartippaat Inatsisartullu piumasaqaataat naammassiniarlugit iliuuseqassamaapat?

Akissut:

Naalakkersuisut - Paamiuni Naalaganggorniat Ilinniarfiata atorunnaarsinneqarnissaa sioqqullugu – ilinniarfiup allamut nuuneqarsinnaanissaanut periarfissanik kiisalu nuna-tsinni ilinniarfiup ingerlaannarnissaanut ilinniartut toqqammavigineqartussat amerlassusaat pillugu Aningaasaqarnermut Ataatsimiititaliap kiisalu Kultureqarnermut Ilinniartitaanermullu Ataatsimiititaliap innersuussutaat maluginiarpaat.

Naalakkersuisut ataatsimiititaliat innersuutigisaat tusaatissatut tiguaat nalunaarutigis-salugulu Naalaganggorniarlut Ilinniarfiat naammatumik ilinniartoqarnissap tungavissinneqarneratigut allamut nuuneqarsinnaanissaa pillugu misissuisoqartillugu Naalaganggorniat Ilinniarfiat matuneqassanngimmat.

Misissuinerit 2010-ip upernaavata ingerlanerani aallartinneqassapput. Aningaasaqarnermut Ataatsimiititaliaq kiisalu Kultureqarnermut Ilinniartitaanermullu Ataatsimiititaliaq suliap ingerlanera pillugu ingerlaavartumik ilisimatinneqartassapput.

Tamatumunnga atatillugu Naalakkersuisut ilisimatitsissutigissavaat Paamiuni Imarsiornermik Ilinniarfimmik pissutsit Danmarkimi Søfartsstyrelsimut ilisimatitsissutigineqarnikuummata.

Kisiannili aammattaaq Naalakkersuisut ilisimatisissutigissavaat Aningaasanut inatsisissatut siunnersuutip pingajussaaneerlugu oqallisigineqarnerani tamatuma tungaatigut sipaarniutissatut siunnersuutit uterteqqinneqanngimmata, tamatumalu kingunerisaanik 2010-mut Aningaasanut inatsisissap inaarutaasumik aalajangiiffigineqarneranut atatil-lugu sipaarniutissat aalajangerneqarmata.

2010-mut Imarsiornermut Ilinniarfiup aningaasaliiffigineqarnerani amigaatigisat Naalak-kersuisut immikkut ittumik aningaasaliinikkut matussutissaannik qinnuteqarnissaq pisa-riaqassappat isumagissavaat, tamatumunngalu ilutigitillugu Naalakkersuisut isumaqar-put misissuineq ingerlatillugu Paamiuni Imarsiornermik Ilinniarfik ilinniartussanik tigu-sissanngikkallartoq.

Nalinginnaasumik oqaaseqaatit

Ukiuni kingullerni naalaganngorniat ilinniarfiannut qinnuteqartartut tassanilu naammassisartut ikiliartupiloorsimapput. Taamaattumillu Naalakkersuisut aningaasanut inatsisissap siullermeeraneranut atatillugu Paamiuni Naalaganngorniat Ilinniarfiata matuneqarnissaa siunnersuutigaat makkunannga piviusunik tunngaveqartumik:

2009-mi naalaganngorniat 3. grad-it pingasut ilinniarniarlutik qinnuteqarput. Ukiunilu ki-ngullerni pingasuni Imarsiornermi ilinniarfik 1. grad-imi naalaganngorniarlutik ilinniartoqarsimannilaq. 1. grad-imut ilinniarniarlutik ikittunnguit Danmarkimi naalaganngorniat ilinniarfiinut ingerlatinneqassasut Imarsiornermi ilinniarfiup innersuutigisimavaa. Taa-maattumillu ullumikkut kalaallit 1 – 2 Danmarkimi 1. grad-imi naalaganngorniarlutik ilin-niarput.

Ukiuni qaangiuttuni Nuummi Paamiunilu 1. grad-imi aammalu 3. grad-imi naalagan-ngorniarlutik naammassisartut imatut amerlassuseqartut ilisimatisissutigisinnaavarput:

Nuuk: 1988: naammassisut 47
1992: naammassisut 30
1996: naammassisut 21

Paamiut: 1997: naammassisut 11 soraarummeeqqittut 2
1999: naammassisut 10 soraarummeeqqittut 4
2002: naammassisut 5
2008: naammassisut 6 soraarummeeqqittut 5

Kisitsisit taakkua takutippaat naalaganngorniarlutik ilinniartut naammassisartut anner-tuumik ikiliartorsimasut, tassa ilinniarfiup Nuummiinnerata nalaani kiisalu Paamiunut nuunnerata kingornatigut.

Piviusorli tassaavoq nunatsinni naalaganngorniat ilinniarfianni ilinniartussatut akuerine-qartussat ikippallaalersimanerat, tamannalu tunngavigalugu Naalakkersuisut ilin-niarnermik ingerlatsiinnarnissaat ajornarsiartuinnarsimavoq, tassa ilinniarniarlutik qinnuteqartartut toqqammavissusut ikiliartuinnavissimmata.

Tamatumungali tunngatillugu ilinniartukilliaratorneq aalisariutinik nutarterinerup ingerlan-
neqarsimaneq, aalisarnermik inuutissarsiuteqarnerup pisariillisarneqarsimaneq, im-
makkut assartuinerup pisariillisarneqarsimaneq assigisaanillu tunngaveqartumik
naalakkanik pisariaqartitsinerup siusinnerusumut naleqqiullugu annikkiartorsimaneq
peqquteqarsinnaavoq.

Siunissami Naalagangorniarmut ilinniarfimmu qinnuteqartartussat tiguneqartas-
sanersut Naalagangorniartut ilinniarfiata Paamiut avataanni allamut inissinneqarsin-
naanersoq naammattunillu ilinniartussaqaqnersoq pillugu misissuinerup inernerata
aalajangissavaa.

Naalackersuisut isumaqarput Kalaallit-nunaanni ilinniarnert pitsaanerpaaffissaminiitin-
nissaat pingaarlunnartuusariaqartoq. ilinniarfiit ingerlalluartut ilinniartunit kajungerine-
qarnerusarput.

Inussiarnersumik inuulluaqqusillunga

Mimi Karlsen